


船夫先生
存閱



謹贈

小敘

余不能詩學詩自西甯始數歲積藁盈寸許然未嘗出以示人今輒印遊艸非謂今詩有進於昔也以余此遊所歷山水皆友人所願聞而余書報闕略又皆友人所督過日記瑣屑殺青無期詩艸寥寥略具風土故亟要刪付印分贈故人用代簡扎其中十九皆去歲乙丑之作今歲詩不過數首而已莊生謂蜩鳩決起槍榆枋時則不

至而控於地余初意欲遍遊東南佳山水
阻於兵火淺嘗輒止比於蝟鳩之控地故
顏曰榆枋遊州聊以自哂云爾丙寅孟秋
天水周希武

榆枋遊艸

天水

周希武

子揚

題陳東有山水畫冊

天水作

天下名山絕勝處我每近之風引去此番
決起槍榆枋控地一笑仍故鄉故鄉一別
已十年舊所遊釣今荒烟寥落田園莽荆
棘蒼茫陵谷多貿遷况復戎馬闔中州自
分巉巖終夢遊何期得讀陳子畫突兀眼
前生壑邱赤壁江中簾掛狝黃山雲底松
盤虬久觀不省我何在疑在天都峰上頭

汧陽道上望吳嶽

隴人初度下秦關，誤認吳山作華山。
掛眼

眞同巨靈掌，落川影漾小姑鬢。

山有五峯，向東斜指。

其中一峯，軒然秀出。

坐憐陳寶高飛去，空見晚鴉相

與還前途蒼莽，知何處煩君東指白雲間。

長安道上雪行有感

霏霏雨雪滿帷軒，慘慘旌旗接戍屯。
龍戰長空飛萬劫，天餘膏澤餉千村。
柴扉吏督來年稅，麥隴春蘇隔歲根。
三輔健兒征伐

盡剩看叱犢嫗將孫

望華嶽

大雲黑宰攢晴天隨我馬頭生萬妍司寇
峩冠忽岸幘仙人伸掌復縮拳蓮抽重萼
幾開合雲斷層城絕僕緣連日川行苦平
衍今朝眉宇森高塞山靈繾綣頻入夢

余三

度夢遊華
山皆有詩

山門咫尺緣仍慳我非路旁名

利客風塵鞅掌難留連迴看絕壁橫宿霧
如佛仰坐藏其顛準擬千山踏遍後歸來

洗心玉井泉

過洛陽有感

細柳營邊柳糝金何人手植已成林高臺
依舊浮雲散故壘于今灌莽侵四戰河山
多暴骨八方風雨總傷心龍門似有不平
氣天外峩峩劍倚鐔

黃河鐵橋

鄭州

廣武原頭崩岸高黃河始出山之牢百折
秦晉盤轂轉一瀉堯徐入天家此地何人

運鬼斧十里鐵軌橫驚濤我家河水最上
游長虹結構雄蘭皋一別河梁四千里又
踏天下第二橋手持杯酒醉河伯幾閱劉
項與袁曹世間英雄皆豎子都輸班爾濟
川勞

洄上望項城墓

佳城尙鬱鬱賴垣繚松楸咫尺西陵樹千
古貉一邱當塗靖中夏猶疎及身謀公路
狼疾人殞軀羸冕旒進退失所據負乘良

足羞緬彼黃初載玉改民有鳩世人薄魏
武耳食何悠悠

正月二十一日抵京

鋒車日夜指燕京不斷青山相伴行眼底
層雲生故闕劫餘九陌認枯枿陽春未省
長安好芽蘖獨含溫室榮喬木蒼蒼空在
望只和風雨送悲聲

萬牲園

春來別苑敞幽扃憔悴垂楊糝嫩青刻額

何人司獸簿空名浪自說山經

園董非人
珍禽奇獸

多飢死非復
昔時之盛矣

象思故國淚常泣虎憶深林

夢未醒最是門前兩龍伯也作奇觀備萬

靈

守門兩人
禦幹特長

出都

少不登鄉舉長不膺里選胡爲逐風塵京
洛事游衍此都際渤碣五朝歷緲緲文物
紛葳蕤聲明亦婉變半生一見難所恐百
聞舛今茲果夙懷躊躕快英盼却疑地氣

盡樞鼎亟折鉉俠窟久弱靡健者骨亦輒
側聞江湖間清風可滌喘驅車出長安暮
春日載覘此來心無攖此去意何緇

火車

龍氣噓雲萬馬嘶長途電掃不需時望中
山水畫圖展脚底風雷霄壤疑地似驚濤
拍岸去樹如卷旆夾輪馳頗嫌郡國匆匆
過物土當前失訪諮

開封道上

梁鄭古強國斥鹵何其多
麥秋接春旱稀疎見枯禾
暴秦昔決隄李闖揚其波
狂瀾久銷歇黃沙足坡坨
生民燥無潤年年况橫戈
蕭條四戰地奈爾子遺何

徐州

夜宿銅山縣師旅殷如林
望門固求舍迎拒都沈吟
拒我失躡值迎我愁霜鐔
良久始默許倭屋開陰森
無從買粗糲何處展褥衾
跼促不成寐笳鼓餘哀音
平明就前

途曠莽豁客心此地縮水陸戰伐時相尋
公子已挾彈黃雀休相侵

滁州

西南林壑最深處今日孤亭尙有無羨煞
當時賢守佐承平豐樂醉相扶

浦口晚渡

萬千星火點鍾山山下火城時往還搖舫
却看來渡處金光一片照江寒

初到上海

突兀車前驚浩穰萬衢闐咽我棲遑春風
懶趁鶯花社南味勉隨魚稻鄉滿眼賈胡
蟠大腹傷心烟凶奪危檣天涯何處着吾
輩只合書城問縹緲

松江道上

睡起車中展曉窗湖山空翠撲人裳地連
滬瀆無塵氣客過渙睢思藻章鶴唳華亭
三陸渺雉飛春草五茸荒喜看田畔碧波
靜吸水龍車骨節長

杭州

寤寐江湖願不酬此生自分老邊州雲隨
車蓋落吳會風轉扶搖失馬牛未向孤山
道盛夏已覺萬瓦生涼秋滄洲到手翻疑
夢且領湖光樓上樓

寓西湖之滄洲旅館
三層樓上全湖在目

西湖

越人飽飲西湖碧越女果然天下白湖光
朝來漾戶庭不須膏沐顏已澤落日素手
搖輕舸琉璃萬頃盪金液青山無塵天宇

高目逆歸舟到日夕忽驚銀河星實雨萬
縷金蛇奮跳擲若華不作素娥隱漁火蚌
珠空跼踖此時魚龍寂無聲四顧淒涼萬
里客

西湖雜詠

十二首

柳荒鶯老客魂銷懶向殘碑問勝朝塔影

虛無餘瓦礫鐘聲激越接江潮

南屏山

遲迴烽火晚來杭不見雷峰倚夕陽却顧

人間留倒影層層階級幻興亡

雷峰塔故址

萬頃烟波湖繞湖一叢雲樹島環島中有

玲瓏小孤山虛與水月相縹緲 三潭印月

鷲靈何事墮塵樊六鑿相攘悔可言勸爾

不如飛去好仍從來處固靈根 飛來峯

故鄉亦有飛來峯渾沌猶全未鑿空我願

天公休照例甘輸此石擅玲瓏 天水縣山西有飛來山

萬竹青青幾疊泓穿篁隨篔 集韻以竹通水曰篔由靈

靈隱寺沿溪登山處處有筧宋之間上崢嶸

觀濤不敢題詩句恐有山僧隱姓名 北高峯

青山斷處白如虹海氣荒荒接大風獨闢

一區牛斗外不隨江漢自朝宗

稻光望鏡塘江入海

六橋細柳橫殘雨一葉輕舟破濕雲渡口

陰晴渾不管桃源中訪故將軍

僧原見吾往桃源庄

晤陳伯生將軍

畫船簫鼓收殘照燈火樓臺起萬吹莫笑

當年賈秋壑半閒尚有半忙時

葛嶺

楊柳小樓臨釣磯葡萄美酒對斜暉采山

有獲不須鱸葛嶺雨餘新笋肥

自攜葛嶺青笋至孤

山樓外
樓下酒

壯圖會見擣黃龍三字輕埋一世雄此恨

千秋銷不得烟波十里起長虹

岳廟望
蘇隄

車馬風塵吾倦矣烟波欲與世相忘那知

湖上一寸水猶灌人間百頃杭

西湖開

再至上海偕馮生仲翔及舍弟叔烈

游吳淞口望江海

以下遊覽各處
皆與二子偕不

再贊
述

我昔壯遊到崑崙窮髮荒涼江所源今我

東遊至于海又送長江入渤海長江滔滔
南國紀包絡千山與萬水上有渾沌未鑿
之原人下有輪軌輻輳之都市文野橫觀
五千里我如縱讀廿一史浩劫陵奪幾滄
桑千春僵代萬桃李海若於穆吞鴻濛江
靈浩蕩驅長風波瀾洄沅沔何時已目極寥
天斷心魂

聖約翰大學

校長 美 人 十 十 年 辦 校 數 十 年 矣 吾 國 博 士 辦 校 數 十 年 矣 吾 國

外交界鉅子多出其門去年
美人擬舉卜爲大總統不就

萬綠沈沈萬瓦紅一堂絃誦聚西東劇憐
卜老犧牲意不住白宮住學宮

崑山

水鄉清麗苦卑卑一點崑山能拔奇撐拄
東南牛斗氣亭林千古是吾師

吳縣

金閶門外駕船蓬船入閶門是處通靄靄
虹橋垂雨氣潭潭魚市散腥風大藩文物
劫灰裏舊苑綠楊殘照中莫向屠沽求壯

士橫磨劍氣正熊熊

滄浪亭

內有吳中五
百名賢祠

滄浪水已濁荒亭荻周繞入門綠翳天萬
鴉飛而朶小岫蟠嶽崎登陟窮奧窅竹樹
葱蒨間有亭翼然翹昔時濯纓人於焉寄
所操風流久銷歇空階蔓艸萋孤遊意惘
然望古肅廟貌作者何其多延陵渺難到
高風溯淵源太伯實覆燾端委非靜坐開
吳非高蹈殖民肇洪基萬葉宜薦芼異彼

潔身者泉石獨自好白石信可飡清泉信
可樂中夜猛虎來誰與護單豹

虎邱竹枝詞

三首

細雨騎驢上虎邱穿廊過市伴行舟偶然
舒脛足垂地不敢欠伸橋打頭

細雨騎驢到虎邱單衫四月怯如秋吳娘
底事苦相擾強售扇兒遮路頭

細雨騎驢下虎邱綠楊陰裏鳥鈎鞞誰家
姑婦對搖艣素手雙雙映碧流

留園雜詩

四首

滄浪寂寞虎邱荒亭館留園略擅場微惜

年來耆碩罄圖書滿架蠹魚長

林泉耆碩之館

孤雲皺瘦立如柴秀絕東南不可階何與

人間兒女事巡檐幾度佇吳娃

冠雲峯

留園何處緣陰多涵碧莊前樹繞蘿萬笏

石林潭一鑑木樨香裏聽吳歌

聞木樨香亭

松陰一徑到蓬萊路盡螺邱天宇開遙指

西南林缺處靈岩塔影送青來

小蓬萊

西園同馮仲翔題壁

竹樹池塘藹綠陰
觀魚聊寄惠莊心
湖山劫後風流盡
剩有粉牆同寫襟

楓橋

楓橋驛路客班班
車自火馳舟自閒
畢竟鐘聲餘水際
何人載與渡江還

寒山寺唐鐘早爲日人取去別鑄一

鐘代之上有伊籐博文銘詩以誌

慨

唐鐘已渡海雲東

海略
詩用
康南

喚起東方曉

日紅魂返寒山仍夜半
聲聲總在客愁中

蘇州哭毛實君師

健在江湖近所聞
那知宿艸蔓新墳
明珠滄海泣他日
鐵網珊瑚感此翁
歷塊一時蠅驥散
閒關萬里燕勞分
蒼茫孤棹今何倚
湛湛楓橋停斷雲

寒山寺見葉菊裳師楹聯有感

饗試當年三冠軍
樗材何意匠揮斤
通儒

勗我今生負科第欺人半世勤罄歎依然
成往古滄桑何處覓斯文驀逢遺墨寒山
寺含淚摩挲到日曛

惠山泉篇賦贈病驥老人

老人即錫侯保山無

先生不辦學成績卓然常奔走四方不寧厥居余見之吳淞口水產學校又見之無錫介余參觀各校及圖書館已而老人北上而余獨遊太湖惠山於麓見有石刻曰病驥老人枕流漱石處感而賦此即以贈之

九龍之山欲飛去小作勾留飲太湖腹中

所藏知幾許杼軸雲雨膏三吳一泓偶泌
蒼厓下以烹茗者乃緒餘吳兒朝夕嚼珠
玉肌若冰雪顏敷腴病驥老人胡爲者憔悴
乃同山澤臞非無奔流赴驥吻志在千里
不謀軀擬酌天漿壽斯世蒿日涸轍魚
已枯况復世人肺腸別井渫不食交愁予
我欲從君酌明月共向南宗證眞吾君已
隨泉出山去北走風塵尋駟驢獨遺枕流
漱石處使我日暮空踟躕

登龍頭渚望太湖諸峯

我是隴西一片雲汗漫南北無垓垠西子
湖邊栖未穩長風吹到太湖濱雲水相見
曠相憐天弢解散天網釋空明恍證華嚴
界盪開性海三萬六千頃頃碧海漚起滅
有無中空花妙現諸芙蓉世人不識性海
相妄謂太湖七十有二峯眞源不覺風波
動驚浪軒軒蹙長隴魚龍百怪鬪玄冥烏
兔雙丸擲銀汞我坐蓮花一葉邊靜觀法

王轉大千不隨狂濤埋沒去只有獨山青
青一點烟

其二

我生不見長頸烏啄霸吳越安能左范蠡
右西施共乘一舸凌珠闕又不見開館修
志徐岷山安得前閣顧後胡黃坐論九邱
穿月窟半生空負江湖願萬里竭來震澤
遊纖雲淨掃水天綠羣島離立堆蛟蚪東
洞庭西洞庭雙筍雲間削嫩青雞山雞龜

渚龍天空海闊恣飛騫迴憶西海波平鋪
子焉一鳥駭龍駒那知太湖孕萬詭吞七
二峯胸尙虛擬向石林託孤根平揖萬笏
相輕軒藏豁只愁大力至戴山終恐巨鰲
翻咫尺三山隨頂滅蒼茫七尺誰手援昨
日漁父誤下磯半夜楚舟未離岑子敬忽
返剡溪棹湖上石公知我心

焦山歸舟

風檣前却澹忘歸萬紫江天漾落暉綠髻

隨波憐上下紅衣登壘笑從違礮焦山上有

之役戍將轉移礮兩變方邀利卒之不戰而
降一卒導余觀礮臺為言此事極形憤

慨鳥辭粉堞笳聲急民散煙村漁火微只

有南徐新月影送人到岸尚依依

雨花臺方正學墓及日人
火葬處均在山阿

江山百戰自相仇曾九勳名映劍頭遺臭

流芳誰管得蜃灰碧血共荒邱

莫愁湖曾公閣

桐城文如黃白茅得公壯彩始凌霄江天

小閣來低首不爲功名百戰高

明孝陵

一杯荒土割烟鬢翁仲淒涼落照間今日
明清社同屋英雄千古有江山

歷登北極閣雞鳴寺望玄武湖水已
半涸

江濤澎湃打城來鍾阜如拳觸使迴有閣
翼然能傑出倦眸到此一褰開白門柳剩
千行碧玄武湖沙幾劫灰雄駿旗幢終蕩

盡風雲長護誌公臺

廬山

金焦點江如黑子虎踞龍盤培塿耳遊罷
吳山意未厭來向匡廬一挾背是時正當
夏之初山花迎笑香拂裾浮雲與我爭先
後飛磴引人窮險紆鳥道盡時龍脊躍謾
謾松風吼萬壑日極西北昏風塵勢拔東
南疊巘嶸鼎峙衡瀆三足分基壓江湖萬
趾錯我如今威化鶴歸俯仰千年冢纍纍

又如列子御風行迴翔六氣驂霞飛徑欲
從此逃虛空蓮社瓣香皈淨宗頽波一任
九派下但挽頽心迴冲融自笑劉郎無仙
骨更憐漁父餘塵心苔岑叵耐他人駟
荔那堪山鬼侵明日芒鞋下山去雨打衣
裳霧滿襟蒼茫却顧所來處瀑布千尋雲
萬尋

予自上海偕馮仲翔歷遊蘇常鎮寧
諸勝至廬山而別詩以送之

邱壑江東共擅奇
溢城烟雨悵分離
詩中各有佳山水
難寫匡廬話別時

漢口

飢食武昌魚
渴飲夏口水
吾父舊遊地
我曹欣重履
龜山踰以伏
蛇山怒而起
江漢蟠其間
雄鎮相鼎峙
形勝所接目
一一如提耳
獨歎征南沒
風流久已矣
武庫猶森嚴
鐵血磨方始
誰鑄九州錯
英魂早腐齒
巍巍官胡祠
焦土餘階祀
桓桓陳勝碑
幾

時道旁歸萬綠延朱暉誰復顧桃李余非

惜春人感歎未能已吾父去茲邦星霜互

三紀舊業成荒莊吾秦菸莊盛時銷路達

兩度前後五年皆為人經理此業已而秋

菸盛興秦莊次第倒閉吾新衢變故壘雛燕空翱翔知父

於秦江漢絕矣昔何止將書報父知父淚應彈指

琴臺

楚山楚水有遺音曠代相知不可尋一片

垂楊籠培塿半湖殘日在衣襟落梅到處

愁聞笛問柳當年此盍簪時張開府兩湖

來此處

文酒縱橫憐我晚巡廊獨共早蟬

吟

再至汴梁遊龍亭公園

即宋故址

宋社墟荒烟池臺廢已久夷門一以眺良

嶽餘培塿螭陛成坡坨龍礎尸薪樵臺上一

殿礎俗謂龍堆香火甚盛

隧穴何縱橫黃沙湮八九玲

瓏寶月峰娟娟露跟肘似有興亡恨淚濕

苔色黝緬彼花石綱繹騷到雞狗民社果

偕亡念此空廻首黃河西北來風沙挾城
走笳鼓喧夕暉旌旗亂楊柳曠野莽茫茫
無險以人守昔日梁惠王甲士趨且赴秦
兵一朝來歌臺他人有猶謂耕桑迂嗚呼
千里叟

友人約遊吹臺

夷門窟任俠梁苑藪詞章華實今搖落我
來空慨慷吹臺餘勝蹟云在汴之陽故人
惠前綏同車上高崗椒邱啟禹殿衣冠森

象牀亦有岵嶸刻蛟螭堆壁牆廻顧九州
間洪流正汪洋舉世方揚波何人肯廻狂
芒碣雲四起宇宙風沙盲豪傑滿山澤雁
鶩絕稻梁李杜沒千載尸祝餘虛堂焄蒿
觀斯世其神無乃傷白日匿大野四顧何
莽蒼携手歸城闔對酒停杯觴故人過相
厚江湖已相忘

汴梁文廟觀新鄭出土古器物長歌

紀之

河洛文明蘊儲厚三千年間未發覆地靈
一日開幽緘光怪熊熊陵宇宙歲在乙丑
月在午我來大梁正懷舊有客導余觀古
物入室愕眙詫未覩仙山鵠鸞崢未飛水
府竈鼉蹲欲鬥古色斑斕絢丹青奇紋宛
轉蟠龍虬鼎鼎及鼎列北堂序齒各如量
所受有鼎大小十六事黃鐘大鏞森東序追蠡莫
識誰先後有大鐘編十六四蚪負蓬壺出滄波華
蓋翻披鶴引味有大壺曠代所無絕巘拔起匡廬

巔層鑄想見蒸雲溜

釜有顯一可以蒸物龍甌

虎彝豐侯尊貳以簠鬲敦錡鍔細鱗哆口

王子盧剔薛略能辨篆籀我問典者所從

來掘自新鄭古井瑩或云殉葬鄭厲公勤

王膺享周所侑或屬楚王子嬰齊鄆陵敗

後棄未收要皆三代世守珍多寶當從百

國湊東遷戰伐禮樂崩太史抱器竄荒陋

神物不欲四散亡獨葆元氣正邱首孔子

觀周來已晚祝史陳數空釘餽秦索九鼎

涸泗水那知瑰琦閎泉竇漢唐說經少左
證捫燭叩盤笑紕繆金文圖錄誇宋家掎
撫繁星失列宿漫漫百代夜向明山川効
靈精氣透殷墟書契出田腴流沙墜簡得
斥堠天欲人識三古眞故教秘藏次第漏
觀者闐咽勝鴻都中外耆髦走且仆論價
唐經如土苴攷古西清等雛鷺我謂應置
太學中以供天下士研究紙上冥索悉驅
除世儒其免溝猶瞽

偕杜筱川諸君登陝州羊角山

直搏羊角上山頭蒼莽關河入望愁華下
于今多戰馬桃林何日放耕牛虛聞虞虢
相唇齒誰向崤嶮扼咽喉可惜信陵却秦
後功虧一篑此勾留

枯樹歌

亦在陝州作

霹靂一聲屋瓦飛蛟龍盤拏欲何爲滿堂
賓客走且仆飄搖風雨愁安依出門一笑
心載夷屋上枯樹彫洪枝外強中乾得雨

肥一夫振之應手摧

再至北京望見正陽門感賦

中天積翠尙巍巍國魂駘蕩此憑依烏革
朝翻東海日魚鱗夕斂太行霏幾回赤舌
燒還在殊有鳳毛軒不飛蠻邸參差終俯
首孤標無與立斜暉

中央公園

萬綠陰森掩酷陽籐筵列列竟衢長一杯
龍井風生掖吹到羅紈陣陣香

北海

却月雲廊磨帶鈎臨風水榭點茶甌偶乘
魚艇穿蓮去背指斜陽碧照樓

小渡艤舟秋樹根嵯峨梵宇寂無喧幾重
烟水隔人境一朵皺雲捧世尊

南海

萬石玲瓏拱一樓四圍蒼翠入深秋暫拋
世慮風塵外如在嶠壺方丈頭

曲廊卍字篆微波愁入廻腸不可磨魴鯉

未知池向罄容頭密藻尾婆娑

雙十節縱遊清宮

故宮深鎖艸芊芊萬戶今朝鐵限穿金玉
滿堂誰守器玄黃遁野福如天劫灰不作
阿房繼封庫僅聞劉季賢唐畫晉書猶掛
眼此遊不負足胝胼

秋夜

人海蒼茫寄一塵市朝於我兩無緣甘陵
交臂失廚俊洛社低心讓綺年獨向殘梅

青老眼

菊部
饒梅
韻伶

時收蠹簡赭童肩秋燈

孤館翻書倦相伴還餘舊日氈

都門秋興

葉落西風戀故林客窗猶夢綠槐森調高
徒費蟬鳴夜爵好難縻鶴在陰紈扇見藏
新月魄冰壺自抱素秋心相思只有支機
石忍聽長安萬戶砧

嘹唳天邊雁字斜淒涼書劍滯京華相非
燕頷強投筆路有鵲橋空泛槎已繼兼葭

歌夏屋錯將楊柳怨胡笳夜深惆悵平生
事落盡秋燈幾度花

空向桑榆挽落暉魯戈無柄悵孤微側聞
塗地觸蠻門頗覺刺天鴻雁飛苕葦枝纖
還烏萃螻蛄聲急與山違鶴雛自有南溟
願虛令寒鷗嚇鼠肥

柯爛山中曾侍棋廻看千劫不勝悲青燈
照我餘雙淚錦樹無情又一時驚客鬢霜
知老至流天心火總西馳漁郎已踏仙源

破松桂桑麻只夢思

黃河九曲萬重山西望烽烟落照間太白
芒寒秋入塞彼蒼天遠月臨關露團蔓艸
難迴首霜肅丹楓敢抗顏北斗誰言西柄
揭大車東去日班班

樓臺影倒景山頭太液沈沈涵九秋萬柳
彫疎還鎖恨一池吹皺總生愁膳猶仿御

侈銀鱠

北海有仿膳茶點社
飲食皆仿前清御廚

水早停嬉餘

白鷗最是霜朝明月夜上方一塔俯神州

甘霖不數桔槔功
饒有楊枝南海中
未弭兵戈詞瀉水
虛籌鹽鐵論生風
飛揚終羨鳧頭白
憔悴空憐魚尾紅
樓外鴻聲誰復

聽哀鴻今是主人翁

均軍在事財政兩委員會
任南海而財會議

事應在春藕齋
與聽鴻樓相對

流沙莽莽總西迤
漫道沃洲平不陂
夜半藏舟人負壑
月明繞樹鳥無枝
莫逃洪水方難驗
菊拒立霜性不移
銀漢迢遙風露冷
靈脩浩蕩淚空垂

臘月八夜汪大邀在第一舞臺觀楊

小樓梅蘭芳演霸王別姬

楚帳更闌罷酒觴王歌姬舞鬱蒼涼簫聲
怒咽烏江水劍氣寒飛紫電光伯也崢嶸
張醉眼自憐旁礴盪柔腸雄奇哀豔終千
古不數江南後李唐

北海觀冰嬉

北海門外闐輪蹄漪瀾堂前跑冰鞞製奇
忽疑帝張樂

又踏冰衣裝殊形詭製
有音樂悠揚其間

橈重應

笑禹行泥總推殊方躡利屣

歐美男婦躡屣飛溜角者

皆出

其下肯數遊女歌大隄滑路艱難當早去

幾人到此免傾欵

喜雨

以下丙寅

濛濛雨氣透窗紗
隱隱歡聲動萬家
犁野應知泥一耜
灌園頓省水三車
蒼雲吐月光猶濕
紫陌無塵靜不譁
算是天公終愛

物且持卮酒賀栽花

京寓無聊灌園畦自遣
日督饌丁灌園畦自遣

端午節偕頌庵衡甫振子遊中央公

園留連水榭日暮始歸

羈愁入節苦紛拏水榭呼朋坐日斜飛絮
四方風裏聚得樓一角柳梢遮小山薜荔
人含笑炎暑冰酥各冷牙淺草那堪重醉
臥去年曾吐碧茵車

端午次日

當午驕陽轉盼斜槐陰徐展院西家望穿
簾竹遲分綠恨絕庭榴不著花虎早當關
艾休用鶴今停料酒須賒鄉愁逢節正難

遣况說暮雲除晚霞

嘲友

小床常對一燈青起視斜陽臥曉星愁骨
不眠書是藥烟腸能飽飯無靈非無擲果
春心冷剩有征衫戰血腥五夜夢魂還自
喜霧中高唱牡丹亭

中央公園聞早蟬

松栢陰陰夏亦寒一旬九日此盤桓客中
歲月銷磨盡已聽秋風兩度蟬

客夢朝朝總未成
鶯聲聽罷又蟬聲
秋風寂寂蕭關遠
何事鏡邊霜草生

